

蕪之函越之鑄淇泉之竹箭青兗之織文其地氣然哉南
樞而北枳所由來漸矣故曰貉不踰汶鸛鵒不踰濟夫精
尊所萃也惟人亦爾曲於禹貢實冀州都會之聚靈淑之
所鍾磊落而英多閎代不乏迹其所以自見類赫乎揭壘
贖而開之下亦溫良醇茂足爲後進法列其行事各比類
以從作人物志

忠節

後晉

土清字去瑕事晉爲奉國都虞侯從杜重威戰陽城
以功最加檢校司徒是冬重威軍中度橋南營孤食
盡清請爲先鋒奪橋入鎮州已而重威有異志清曰
吾獨死此矣因力戰死漢高祖立贈太傅

宋

李若水字清卿上舍登第靖康二年以吏部侍郎扈帝
入金營金人逼帝易衣若水抱持哭

粘罕令擁之去

明

李 竿壯偉慷慨有國士風嘉靖間倭寇猖獗督府胡
公署中軍指揮每戰先登當者輒辟易後以衆寡不
敵軍覆被執奮呼曰丈夫不能殺奴報國死耳復何
言倭怒支解之

路振飛字皓月天啓乙丑進士崇禎末爲漕運都御史
逆闖之亂泣血勤王撫大盜徐繼孔擒僞官呂弼周
等江淮保障屹若金湯說者謂宋張魏公後一人以

南陽縣志
卷之八
憂去職間關海道矢死不移唐藩立屢疏皆切時弊
適鄭氏用事格不用賁志以歿天下惜之

張修身字明德以武舉任茨溝營千總崇禎七年防邊
被執脅令詐茨溝城不從以刃刼之志愈堅遂見殺
事聞厯一子總旗食百戶俸

張鷹揚武進士豐軀修幹日炯炯有光授陳州守備值
流寇之亂孤城莫救攻破之左右言公授任日淺應
不坐盡爲去計怒叱曰此吾死所也揮短兵巷戰力
屈死

冀運洪 岳 霍 王 瀛 霍 度皆邑諸生崇禎

甲申逆闖置僞官紳士逃竄四生首義舉奉舊丞張
天爵攝縣事執僞令孫應震繫別所發崇禎帝喪敵
血盟衆聞德州義師起遣使結援布署未定僞令腹
心張守忠等懼禍及遂作亂鼓譟破械出僞令次第
捕逐天爵及四生皆被執不屈死之天爵見宦蹟

政事

晉

程 衛字長元少立操行雖正方嚴劉毅辟爲都官從

事毅奏中護軍羊琇犯憲應死晉武帝與琇有舊遣齊王攸喻毅毅許之衛正色以爲不可徑馳車入護軍營收琇屬吏考問陰私先奏琇所犯然後言於毅名振遐邇百官厲行遂辟公府掾歷安定頓邱太守所涖著績皆以事幹顯

元魏

程駿字麟駒曲安人少孤貧居喪以孝稱性機敏好學勵行仕魏爲著作佐郎除高密太守尋拜秘書令會遷顯祖神主於太廟有司奏執事官例賜爵駿獨

持不可奏止之屢議軍國皆別白當典禮一時無出
其右文明太后詔曰程駿歷官清慎言事每愜可賜
帛六百匹旌其儉德太和九年卒遺令薄葬贈冠軍
將軍薊州刺史曲安侯謚曰憲所制文筆自有集錄
子公義沛郡太守公稱尚書郎

按舊志及通志府志俱載駿名今考魏書程駿本
曲安人六世祖良坐事流涼州祖肇爲呂光民部
尚書是駿久爲涼州人矣宜不得附本邑人物然
物邇所自始水木之有源本不可沒也況耆德高
風行方藉以爲重
故叙入以備參考

唐

程名振高祖授永寧令經畧河北拜平壤道行軍總管
能以少擊衆號爲名將累封東平郡公贈右衛大將
軍諡曰烈

程務挺名振子少從父征討以勇力聞拜中郎將遷右
武衛將軍嗣聖初爲單于道安撫大使突厥憚之不
敢盜邊

五代

霍存驍勇善騎射仕梁爲諸軍都指揮使從攻潞州
與晉人戰馬牢川晉兵却以存爲曹州刺史攻鄆州

擊朱瑾敗之中流矢卒

霍彥威存養子字子重以功拜洛州刺史李茂貞攻邠
彥威固守踰年每獲敵必還之敵德彥威不復攻唐
莊宗賜姓名李紹真鎮平盧卒謚忠武

明

張璉歲貢窮經立志當官有經濟才所在著聲歷任
河南右布政使清惠廉平推循卓第一

李仁嘉靖進士少貧力學以名節自勵授戶部主事
分司許墅關却常例裁耗羨終任不名一錢一時頌

德爲立水鑑碑仕至員外郎

楊進道號克齋嘉靖進士清苦力學居官持正仕至陝西僉事忤嚴嵩歸

牛山木號養菴嘉靖進士初爲萊陽令摘奸剔蠹悉釐諸裨政邑多大滑以次置於法蠲賦開荒田野日闢陞戶部郎督儲代州值有邊警難民數千來歸城鎗下無敢內者男女號城外急言於撫臣入之且曰苟有變某任其罪民得全活甚衆歷遷口北道僉事

王一鶚號雲衢嘉靖間垂髫成進士才識敏練尤長於

兵始爲職方主事值兵變單騎諭之亂遂定守建寧有倭警循城置守甘苦同士卒城賴以全歷巡撫宣大總督遼薊出入兵間籌畫無遺算迅機決策鑿鑿當要領邊賴以帖晉兵部尚書加宮保扈神宗幸山陵帝親解玉環賜之卒賜祭葬

陳于陞字藎齋嘉靖進士初授慶陽推官擢禮部郎爲東宮講官甚見推重晉太常卿以忤張居正罷歸江陵敗起右副都御史尋以侍郎督漕運却例金十三萬陞戶部尚書卒卒之日囊餘八金而已賜祭葬贈

太子太保子瞻

秦邦彥字子美嘉靖舉人早歲失怙事母以孝聞直質
負氣與人無飾言始仕爲磁州知州漳水泛溢害旁
郡邑築三台口以障之瀕河獲免陷溺民事視家他
政績率類此終員外郎

秦吉士字子敬邦彥弟少孤從兄邦彥學嘉靖間登進
士令寧陽招流移清逋賦邑以大治擢主文選事請
託杜絕銓署一清歷山西左布政籌邊措餉從容中
條理吏懾民懷時翕然稱之丁母艱歸江陵構之遂

不起

苗淳然字實齋隆慶進士爲禮部主事神宗建儲未定
舉朝爭之而朝鮮適有廢長立次之請淳然慮惑朝
聽焚其表不以聞宗伯惶懼上問其以實對上領之
遷陝西叅政劾墨吏並及銓撫直聲震一時終行太
僕寺少卿

牛維炳字承菴山木子萬曆進士爲給事中疏請勤學
視政停選宮女皆嘉納之真人張國祥乞修壇廟兩
官發銀三萬兩已出國門疏上追還陝西旱維炳以

封王入境馳疏請賑全活甚衆終徽寧道副使

聶雲翰字搏羽萬歷進士知崑山公廉執法不畏疆禦擢兵部主事貧不能治裝崑人醵金贖麾不受改禮部數上封事皆慷慨切時務忤權貴未獲施行舉朝惜之

唐謙吉字伯益萬歷舉人初知石首縣築長堤以禦患民無水害遷牧解州值歲荒力請賑饑全活甚衆陞刑部郎當逆奄羅織時持法平允忤璫不顧也終郎陽知府

張師孟字泰巖萬歷進士爲山陽令良才時應與
弊洞若觀火擢御史巡鹽兩浙清介自矢羨金數萬
餘悉以充公晉太僕少卿

聶雲翹字澹心雲翰弟萬歷舉人任魏縣諭遷國學列
疏擊魏璫擢工部郎權稅中河病歸杜門却掃一叅
自娛會有邊警揭見危授命字於壁遣二妾去積薪
樓下坐其上命家人曰城陷則焚之後屢薦不起

劉九成字子韶萬歷舉人諭還安擢知岢嵐州值歲歉
多方撫輯不忍鞭扑時軍興需餉部牒急徵九成曰

吾終不以萬命易一官署下考投劾去居家制行醇篤撫庶弟有恩終身不異爨

霍允猷字入白萬歷進士初授戶部主事督餉薊州出知兗州府歷武德兵備所至有聲性坦率好施與捐貲修學輸粟賑饑義舉甚夥晚以詩酒自娛邑至今推之

劉榮嗣字敬仲萬歷進士授戶部主事管銀庫矯發金華銀濟邊雖獲罪不恤累遷工部尚書總督河道挽黃治泐備極勞悴爲忌者所中逮繫卒天下惜之性

孝友喜賓客詩文書畫皆卓然成家有簡齋集行世
王介字念南萬歷舉人方嚴清卓事母以孝聞鄰人
重其行資以財不受諭定興陳時務三策臺使者奇
之薦擢東平知州爲政廉平無贖鍰之入時奄人方
用事大吏曲屈相迎附心不能堪投劾歸家無儋石
以傳經遺子孫至今數廉吏者以首稱

秦廷奏字聖俞崇禎進士歷知輝縣潁上汝陽皆以廉
明稱在汝值闖亂禦備有方擢御史巡按宣大巖疆
多事兵機紛馳調度兵食規畫戰守邊境賴之尋以